

3. oktober 2023

UKA2023/22

Imigassat ilaannut Kalaallit Nunaanni immiorneqartunut akitsuutit pillugit Inatsisartut inatsisaata allanngortinneqarnissaa pillugu Inatsisartut inatsisissaattut siunnersuut
(Imigassat ethanolimik akullit Kalaallit Nunaanni immiorneqartut ullussaminnik qaangiisimasut akuiarneqarneranut akitsuummik utertitsineq)

(Aningaasaqarnermut, Naligiissitaanermut, Aatsitassanut, Inatsisillu Atuutsinneqarnerannut Naalakkersuisoq)

Siullermik Siumumiik Aningaasaqarnermut Akileraartarnermullu Naalakkersuisoq qutsavingerusupparput, Imigassat ethanolimik akullit pillugit akitsuutinik allannguinissamut siunnersuutaannut.

Siumumiik tulluorsorivarput marloriaammik akileraarusiisinaanerup aammalu pinartoqartillugu akileraarutip akiliutigineqarsimasut utertissinnaanissaat. Pissusissamisunngilarmi annerusumik maani nunatsinni tunisassortut akitsuusersuiffigissallugit. Aammalu paasinarluinnarluni, soorunami imingassamik (ethanol- mik) akulimmik annaasaqarsimangaanni, akuliutaasimasut utertissinnaanissaat.

Siumumiik maluginiarparput nunatsinni niuerutissanik pilersitsisunut aningaasatigut iluaqutaasinnaanera. Siumumiimmi tapersorsorparput sapinngisamik annerusumik nunatsinni suungaluartunilluunnit pilersitsinissaq tapersersussallugu. Soorunami avatangiisinut, inuiaqatigiinnullu iluaqutaasumik sunniuteqarsinnaappata.

Siumumiik Inatsimmik allannguneq nalimmassaanertut pitsaasutut isigaarput, pisariaqassappallu ataatsimiisitaliamut ingerlatinnissaa ammaffingalugu.

Kuno Fencker, Siumut